


Thaydwan 6



Dinhmung Akhat

Damhpouc Ravguangc Kamei nunc ta gaeklou e

Bibal Pary

Damhpouc Ravguangc Kamei nunc ta gaeklou e, twmei dinhmei pary sinsw o

**Damhpouc
Ravguangc
Kamei nunc
ta gaeklou e**

Gaychamv Parybuk Kathumh. Kasap 2-27. *Meicsimei Guangc.*

Gaychamv Parybuk Kathumh khou rui ‘Meicsimei Guangc’ tuang pary tei racna alauc nunc lev drama sw o.


Talicmei nunc: Pary rahmei mei khatni drama tuang director (tadin nang). Meicsimei guangc (alauc akhat). Mousi (alauc akhat). Aaron (alauc akhat). Duah thaymei gaanv thumh (alauc gaanv thumh). Damhpouc Ravguangc khang lu suanmei nunc (drama khou kazauh makmei alauc guay).

Meicsimei guangc tei hu khou dungc khang sa o. Mi bamv tei meicsimei guangc tuang guanghkai e twna dinclou o. Meicsimei guangc tuang guanghkai khou tei alauc nunc gut nuh mak e. Mousi lev Aaron tei alauc nunc rui how nuh khang kanaek khou ding o twna sa o. Duiah thaymei gaanv thumh tei meicsimei guangc thei khou ding khang sa o.

Alauc guayna drama khou tei kadam nai nina e. Pary tei pac key khou kalwan khou pat patmei tei sw khang pat patmei ta souc o. Talicmei nunc rui taanhmei khatni samei tei alauc nunc zauc nina e khatni nking nina e. Kumna talicmei nunc rui taanhmei khatni samei tei alauc nunc ni taanc nina e khatni sa nina e.

Latkhang: Kasap 2-3 tei pacna rac o. ‘Alauc nunc rui samei ai chu e, ‘Damhpouc Ravguangc aniw ta gulou o’, twna nang (tadin) pacna rac tang e thei, nthaekcna drama khou Damhpouc Ravguangc khou lu suan bammei alauc nunc ta souc o. Talic bammei nunc khatni Damhpouc Ravguangc khou lu suan bammei nunc rui, ‘Damhpouc Ravguangc aniw ta gulou o’ twna sa o.

Thaydwan 6



Latkhang: Kasap 4-6 tei pacna rac o. 'Mousi mai thingbang ta zauc bammei ta ai how e', twna nang (tadin) pacna rac tang e thei, nthaeckna Mousi swmei alauc ta souc o. Mousi swmei alauc tei ngakna maibwang thingbang ta zauc bammei thak sw o.

Pary tei pacna rac nsuk key o, pary lwan khou ariwmei sik drama khou kathak sw swmei alauc ta souc o. Pary khou taanhmei khatni samei thiak tei kaniw ni taancna sa nina e.

1, 2, 3, drama kahouh tho...

Pary tei pacna khatni racna drama sw tang pw khou alauc nunc khou mi pary lam tei thanv o. Daw nchumh mak e thei gay e tiki ai thanv bammei thu mi tei ramh mak e twna katiulou o. Daw nchumh e thei, nnguay! Sw chuy the! twna katiulou o. Alauc nunc rui daw nchumhlou mak saanv thanv o.

Nang thanv nuhmei latthanv asaekc:

Simei guangc thow ta karaeng bo?

Damhpouc Ravguangc khang lu suanmei guay ta.

Kamei nunc ta mpatlou khang Damhpouc Ravguangc rui thow ta meicsimei guangc khou ndiulou bo?

Mousi lev Aaron ta.

Damhpouc Ravguangc rui Aaron khou tabui sa bo?

Nang tuang builwang phaic key o.

Aaron tabui sw bo?

Aaron katuang builwang phaic key the.

Aaron tuang builwang tabui sw bo?

Aaron tuang builwang nrui mbaih the.

Kamei nunc theih mak khang tabui sw o twna Damhpouc Ravguangc rui sa bo?

Kaimun tiangc guay khou lauziu zei teylou o.

Mi pary khou rui tabui thay bo?

Aniu kata kachuc pw khou Damhpouc Ravguangc aniu lat chu e. Damhpouc Ravguangc kamei nunc ta gaeklou e. Damhpouc Ravguangc kamei nunc ta gulou e.


**Damhpouc
Ravguangc
Kamei nunc
ta gaeklou e**

Thaydwan 6



Action Lu

Damhpouc Ravguangc Kamei nunc ta gaeklou e, twmei dinhmei action lu sinsw o



Ngamv nai e, ngamv, ch'rynmei taanhmei ngamv.

Lauziu nac zei khou tei ngamv

Ngamv nai e, ngamv, ch'rynmei taanhmei ngamv.

Kunghmei lauziu nac zei khou tei ngamv!

Object Lesson

Damhpouc Ravguangc Kamei nunc ta gaeklou e, twmei dinhmei object lesson sinsw o

Taanv na: Alauc akhat ta gwam liam biuhmei phey akhat.

Damhpouc Ravguangc rui Damhpouc Ravguangc khou lu suanmei nunc ta akumhna meicsimei guangc tuang ricmei nunc khou rui gaeklou cho twmei pary ningtow daih?

Akumh cho twmei ai lyanlou puni. Nang ta nkhlou khang alauc akhat ta kaw o, nang daeng khou guang ding kan diu.



Mi phey hei how bo? (Zay thauna alauc nunc khou lyan o). Alauc nunc rui, 'Ngguy' twna sa pu ni. Nang ta nkhloumeipu ta mi phey tei rui kapumc kapwm gwam liamlou o.

'**Phey lungc khou nang khang mpwan aliu guang daih?**' twna nkhloumeipu khou tei thanv o. 'Aliu guang mak e', twna daw puni.

Mi phey hei nang ta gaek bammei Damhpouc Ravguangc kumhmei tuang e. Damhpouc Ravguangc rui aniu ta simei bumaengc khatni simei pumtan khou rui nzianna gaeklou bam e.

**Damhpouc
Ravguangc
Kamei nunc
ta gaeklou e**

Thaydwan 6



Baibal Ningtow Chyam Tuang Talicmei

Damhpouc Ravguangc Kamei nunc ta gaeklou e, twmei dinhmei Baibal chyam sinswo

Ringhpouc hei Damhpouc Ravguangc zanc baihmei akhat e twmei dinclou o.

Tatpatmei 14:14 ‘*Ringhpouc rui nang niw phaan adowlou puni de, nang niw ramh sw khang maek e.*’

Taanhmei naa: Blackboard khatni chalk, ramh e thei niak khatni thing tang, ramh e thei che paek lev pensil.

Baibal ningtow chyam tei hy patna sa o kumna nang hymei thei layna alauc nunc lay sa khang sa o. Alauc nunc latrik pac thay mak he thei, Baibal ningtow chyam tei hy pat khang kage maek e. Baibal ningtow chyam tei lat swna sa o.

Tadin: Ringhpouc rui Alauc nunc: Ringhpouc rui

Tadin: nang niw phaan Alauc nunc: nang niw phaan

Tadin: adowlou puni de, Alauc nunc: adowlou puni de,

Tadin: nang niw Alauc nunc: nang niw

Tadin: ramh sw khang Alauc nunc: ramh sw khang

Tadin: maek e. Alauc nunc: maek e.

Latkaeng kathumh kabamv baic baicna sw kamaekc o. Mi maanmei latkaeng nunc tei hylou dat khang nggaanv nac akhat kapah o kumna kaniw guayna mi Baibal ningtow chyam tei sa nchamc dat khang e. Baihmei latkaeng kathumh sw maan dat o. Ntumei nac akhat ta mi nunc tei hylou dat khang sa o kumna kaniw meic guayna sa nchamc dat khang e.

Laalouna Piu Nimei

Damhpouc Ravguangc Kamei nunc ta gaeklou e, twmei dinhmei laalouna piu nimei sinswo

Aniu ramh pingmei ganv khou, aniu Damhpouc Ravguangc khou lu suanlou nuh e kumna kamei rui aniu tuang pingmei laa ganclou e. Aniu khou chuzaenghmei nai ngam e kalam thu Damhpouc Ravguangc rui aniu ta gaeklou e.

Huayneymei: Damhpouc Ravguangc, ata simei bumaengc guay khou rui khatni mi mbaanv tuang simei pumtan khou rui guloumei khang thuanku e.

Nang ata nzianmei khang ai nang ta thuanku e. Amen.

Thaydwan 7



Dinhmung Akhat

Damhpouc Ravguangc rui akhang ringhmei tii e

Damhpouc
Ravguangc
rui akhang
ringhmei
tii e

Baibal Pary


*Damhpouc Ravguangc rui akhang ringhmei tii e, twmei dinhmei pary
sinswo*

Gaychamv Pary Book Kathumh. Kasap 28-32. Lauziu Gaenghmei Nggaanv Nac.

Taanhmei naa: Blackboard khatni chalk, ramh e thei niak khatni thing tang, ramh e thei che paek lev pensil akhatni eraser.

Kamaengc hyna pary rac o.

1, 2, 3, pary kahouh tho...



Lauziu gaenghmei nggaanv nac akhat ta ai how ngam e. Kazanc rui David kaw e. David hei Abraham kaikhunhmei e.

Tingkwm mpeyna tat kan khwan the. Ntaw thu David lauziu gaenghmei nggaanv nac tei guangh di the.

Guangh David rui Damhpouc Ravguangc khang hei kumcna lu suan bammei ta ai chu ngam e,

‘Damhpouc Ravguangc nang hei akhang ramh guayna di the.

Damhpouc Ravguangc, nang rui akhang ringhting tiilou e.

Damhpouc Ravguangc, nang rui akhang chuzaenghmei tiilou e.

Damhpouc Ravguangc, nang rui ata kanduaklou e.

Damhpouc Ravguangc, nang rui ata gulou e.

Damhpouc Ravguangc, nang ata nzian e.


Damhpouc Ravguangc, nang hei ai lev tingsaeng zaeng bamh ncham tanc tan bam e.’

Damhpouc Ravguangc rui Guangh David khou hei kumcna sa bammei ai chu ngam e, ‘Ai rui maansei guayna ta nang kaikhunc paan khou rui kanduaklou puni.’

Damhpouc Ravguangc guang pu the.

Alauc nunc ta pary maeng tei hy khang sa o.

Thaydwan 7



Action Lu

Damhpouc Ravguangc rui akhang ringhmei tii e, twmei dinhmei action lu sinswo

Thuanku e Damhpouc Ravguangc lu suanmei nruayna pang khat ta.

Thuanku e Damhpouc Ravguangc ramh guayna khat ta.

Thuanku e Damhpouc Ravguangc apanty tiloumei khang ta

Thuanku e Damhpouc Ravguangc, ai nang khang lungc e

Thuanku e Damhpouc Ravguangc gaanchuangna guay khat ta

Thuanku e Damhpouc Ravguangc, nang hei akhang di the tingsaeng zaeng.

Object Lesson

Damhpouc Ravguangc rui akhang ringhmei tii e, twmei dinhmei object lesson sinswo

Taanhmei naa: Mpwanbungc.

Mpwan maekmei mpwanbungc kandih khou phaiclou o. Alauc nunc khou sa o, ‘Mi mpwanbungc hei tabui sw tina mpwan maek to? Mi hei kalung mak e, mi hei reina bam e. Ntaw zauc o.’

Mpwanbungc tei amuan tingc patna kamwang karak thingclou o. Alauc nunc khou sa o, ‘Ai rui mpwanbungc khou mpwan amuan gutlou kanmei tei zauc o. Ntaw thu balloon hei kalungna alaemh bam the. Damhpouc Ravguangc rui reymei maansei nei khou Kathiu amuan gutlou pw khou kaney ringc the. Damhpouc Ravguangc rui aniu khou ringhmei tiilou e.

**Damhpouc
Ravguangc
rui akhang
ringhmei
tii e**

Bibal Ningtow Chyam Tuang Talicmei

*Damhpouc Ravguangc rui akhang ringhmei tii e, twmei dinhmei
Baibal chyam sinswo*

Ringhpouc hei Damhpouc Ravguangc zanc akhat e twmei dinclou o.

Kalumlu 23:6 ‘Nang ramzian lev nang ramgai (Damhpouc Racguangc) ai ringh saanv akhou nai bam puni twmei ai thay e. Ai ringh saanv Ringhpouc kai khou lungc bam ni.’

Thaydwan 7

Latkeang nunc akhyammei maek e.

Alauc nunc ta kakang kanei ti pat o. Reymei kang ta kaniw tuang kapy akhat kapah khang sa o. Reymei kang tuang kapy hu khou pat o. Reymei kang tuang kapy khou tei Baibal ningtow chyam tuang reymei langv, 'Nang (Damhpouc Ravguangc) ramzian lev nang ramgai ai ringh saanv akhou nai bam puni' twmei tei dinclou o. Baihmei alauc nunc ta ti churio. Lat sa makna mi Baibal ningtow chyam tei drama sw khang sa o. Reymei kang tuang alauc nunc mi tei zauc lana mi tei tabui lat ta cho twmei dinc pat kan diu.

Reymei kang tei rui dinc pat ngam mak e thei, kaneimei kang tei mi tei dinc pat khang sw dat kan diu. Kaneimei kang tei ni dinc pat ngam mak e thei, mi tei thay pat nuhmei mun dinclou o.

Mi latzwan tei nang rui alauc nunc khou dincloumei tangv, ramh e thei kaniw rui dinc patmei tangv, kaneimei kang tuang kapy hu khou pat o. Baibal ningtow chyam tuang kaneimei langv, 'Ai ringh saanv Ringhpouc (Damhpouc Ravguangc) kai khou lungc bam ni' twmei tei kakhou dinclou o. Baihmei alauc nunc ta ti churio. Lat sa makna mi Baibal ningtow chyam tei drama sw khang sa o. Kaneimei kang tuang alauc nunc mi tei zauc lana mi tei tabui lat ta cho twmei dinc pat kan diu.

Kaneimei kang tei rui dinc pat ngam mak e thei, reymei kang tei mi tei dinc pat khang sw dat kan diu. Reymei kang tei ni dinc pat ngam mak e thei, mi tei thay pat nuhmei mun dinclou o.

Mi latzwan tei nang rui alauc nunc khou dincloumei tangv, ramh e thei kaniw rui dinc patmei tangv, mi Baibal ningtow chyam tei sa khang alauc nunc khou sa o.

Laalouna Piu Nimei

Damhpouc Ravguangc rui akhang ringhmei tii e, twmei dinhmei laalouna piu nimei sinswo

Damhpouc Ravguangc rui aniu khang ringhmei tii e. Aniu kakhang na lusuanlou e kalam thu kamei rui aniu khang ringhmei tilou e.

Huayneymei: Damhpouc Ravguangc, nang rui ata nzianna akhou ringhmei thiu tiloumei khang thuancku e. Nang ramgai khang khatni nang zauzian tingsaeng akhou nai bam nimei khang thuancku e. Amen.

Swanv: Kaniw tuang *Gaychamv Parybuk Kathumh* tei kaniw khang tii o. *Gaychamv Parybuk Kathumh* tei kaniw pac thay khang nkhlavluo o.

Damhpouc
Ravguangc
rui akhang
ringhmei
tii e